



Kinyarwanda A: literature – Standard level – Paper 1

Rwanda A : littérature – Niveau moyen – Épreuve 1

Kinyarwanda A: literatura – Nivel medio – Prueba 1

Friday 8 May 2015 (afternoon)

Vendredi 8 mai 2015 (après-midi)

Viernes 8 de mayo de 2015 (tarde)

1 hour 30 minutes / 1 heure 30 minutes / 1 hora 30 minutos

Instructions to candidates

- Do not open this examination paper until instructed to do so.
- Write a guided literary analysis on one passage only. In your answer you must address both of the guiding questions provided.
- The maximum mark for this examination paper is **[20 marks]**.

Instructions destinées aux candidats

- N'ouvrez pas cette épreuve avant d'y être autorisé(e).
- Rédigez une analyse littéraire dirigée d'un seul des passages. Les deux questions d'orientation fournies doivent être traitées dans votre réponse.
- Le nombre maximum de points pour cette épreuve d'examen est de **[20 points]**.

Instrucciones para los alumnos

- No abra esta prueba hasta que se lo autoricen.
- Escriba un análisis literario guiado sobre un solo pasaje. Debe abordar las dos preguntas de orientación en su respuesta.
- La puntuación máxima para esta prueba de examen es **[20 puntos]**.

Andika kuri **umwe** gusa mu myandiko wahawe. Mu gisubizo cyawe ugomba kugira icyo uvuga ku bibazo bikuyobora wahawe.

1.

Nyabiyuzi yampogoje

- Nyabiyuzi nkunda
 Musozi wanjiye
 Cyanya gitakwa
 Utera umunezero
 5 Hirwa iteka.
 Gahorane ishya
 Wahogoje benshi
 Musozi ukeye
 Ni iyo inyikirizo
 10 Hirwa iteka.
 Twese shenge
 Nk'abitsamuye
 Twese rwose
 Turakwishimiye
 15 Hirwa iteka.
 Murage mwiza
 Abasokuru bacu
 Baduhaye twese
 Gasozi nkundwa
 20 Hirwa iteka.
 Dore abagore
 Beza mukundwa
 Dore abagabo
 Beza mukundwa
 25 Hirwa iteka.
 Koko Uwaguhanze
 Yaguhunze byose
 Ibibaya, imigende
 Igihu cya Nyantango
 30 Hirwa iteka.
 Abakire bawe
 Sebagina ku isonga
 Inka, imfizi nyinshi
 Infura y'i Rwanda
 35 Nakabonye bambe
 Hirwa iteka.
 Isogi, ibihaza
 Byawe rwose
 Imvugo nkomoko
 40 Nyabiyuzi weee
 Hirwa iteka.

- (a) Ni iki kizeza umusizi ko azemeranywa n'umusomyi we ku gaciro k'uturango dusingiza umusozi wa Nyabiyuzi?
- (b) Ni utuhe turango tw'iminozanganzo two muri uyu mwandiko dukoreshwa nk'ingamba z'umusizi zo gusingiza uyu musozi?

2.

Igitekerezo cya Ndabaga

Umugabo yabaye aho, bukeye abyara umukobwa amwita Ndabaga. Yamaze kumubyara, asiga ari uruhinja aratabara. Arahaba, nuko yabona uturutse iwabo, akamubaza uko umwana we angana. Bakamubwira ngo amaze kuba mukuru. Abandi batararanye na we bagakurwa bagataha, we akabura umukura, kuko yari yaravutse ari umwana umwe, na we akaba

5 yaratabaye atarabyara umutabazi.

Ndabaga akura atazi se, amaze kumenya ubwenge, yiga gusimbuka no kurasa. Aho kwitoza imirimo y'abakobwa, akihata imirimo y'abahungu gusa, abandi bakabiseka batazi icyo abigirira.

10 Ndabaga yashakaga uko yazajya gucungura se mu itabaro kuko yari ahamaze imyaka itabarika. Ndabaga yaragiraga inka akazishora, akazicira icyarire, akazisasira, akazikenura ku bulyo bwose.

Ndabaga amaze kuba inkumi, ajya mu bacuzi, abasaba kumuca amabere, ati "kandi nzabahemba". Amabere bayamukirizaho, bamwomoza imigera icanye. Amaze gukira abwira nyina ati "ngiye gucungura data, dore iki gihe cyose amaze ibwami!"

15 Ndabaga araboneza ajya gutabara. Ageze mu rugerero, aboneza asanga se, nta we abajije, aramwibwira. Nuko bajya ahiherereye. Ndabaga abwira se ko yize imirimo y'abahungu ku buryo nta muhunu umurusha gusimbuka cyangwa ngo amurushe kwivuga cyangwa kurasa. Ati "ejo uzazinduke utaha nzagusigarira ibwami." Buracya se arataha.

20 Ndabaga aba aho, aba intwari, ibyo yakoraga byose yabikoranaga umutima w'isuku no kugira imbaraga zitangaje; ibyo byose bigera ibwami, umwami aramushima.

Biratinda baza kumenya ko Ndabaga ari umukobwa. Babibwira umwami, biramutangaza cyan, ati "nta mukobwa ugira ubutwari nka we!"

Nuko umwami ahamagaza ingabo zari mu itabaro ati "nimutahe ibantu byageze iwa Ndabaga! Mbega n'iyo byageze u Rwanda rusigaye ruhuruza n'abagore!"

25 Umwami abaza Ndabaga inka yanyaze! Ndabaga ati "ni nyinshi". Umwami azimugororera zose kandi ati "ugende ubwire so ko yabyaye!"

Ni aha imvugo yavuye ngo "ibantu byageze iwa Ndabaga!"

R M Mukarutabana, *Gakondo: Ibitekerezo* (2011)

- (a) Gira icyo uvuga ku buryo umuhanzi amurika ubutwari bwa Ndabaga.
 - (b) Iga uburyo umwanditsi w'iki gitekerezo yubaka interamatsiko muri uyu murimo.
-